

捷陀國王經

甚

後漢安息國三藏安世高譯

聞如是一時佛在舍衛國祇樹給孤獨園與千二百五十比丘俱時有國王号名捷陀奉事婆羅門婆羅門居在山中多種果樹時有採樵人毀敗其果樹婆羅門時見之便將詣王所言是人無狀殘敗我果樹王當治殺之王敬事婆羅門不敢違之即為殺敗樹者自後未久有牛食人稻其主逐牛折其一角血流被面痛不可忍牛徑到王所自言我實無狀食此人少稻今為其見捶折我角稻主亦追到王所王曉鳥獸語告牛言我當為汝治殺之牛即報言今雖殺此人亦不能令我不痛但當約勅後莫取人如我耳王便感念言我事婆羅門但坐果樹令我殺人不如此牛也便呼婆羅門問言今事此道有何福乎婆羅門報言可得攘災致福富貴長壽王復問言可得免於生死不報言不得免於生死也王獨念言當用此

捷陀國王經 第二張 甚

道為事便勅群臣嚴駕往到佛所五體投地為佛作礼白言我聞佛道至尊巍巍教化天下所度無數願受法言以自改操佛即授王五戒十善為說一切天地人物無生不死者王以頭面著地為礼白佛言今奉尊法戒當得何福佛言布施持戒現世得福忍辱精進一心智慧者其德無量後上天上亦可得作遮迦越王亦可得無為度世之道佛即為王現相好威神光耀王即歡喜意解便得須陀洹道阿難正衣服頭面著地為佛作礼白佛言此王與牛本何因緣牛語意便解捨婆羅門而事佛道見佛聞法即得道迹佛言乃昔拘那含牟尼佛時王與牛為兄弟作優婆塞俱持齋一日一夜王守法精進不懈急壽終昇天上壽盡下為國王牛時犯齋夜食後受其罪罪畢復作牛百世尚有宿識故來開悟王意牛後七日壽終上生天上佛言四輩弟子受持齋戒不可犯也諸比丘僧比丘尼優婆塞優婆夷天龍鬼神聞經歡喜前為佛

捷陀國王經 第三張 甚

捷陀國王經

癸卯歲高麗國大藏都監奉勅彫造

捷陀國王經

校勘記

- 一 底本，麗藏本。
- 一 二三五頁上二行譯者，**資**、**普**作「後漢安世高譯」；**碩**、**南**作「後漢三藏法師安世高譯」；**徑**、**清**作「後漢三藏法師安世高譯」。
- 一 二三五頁上一行第二字「捶」，**資**、**碩**、**普**、**南**、**清**作「捶之」。
- 一 二三五頁中八行第一一字「德」，**資**、**碩**、**普**、**南**、**徑**、**清**作「福」。
- 一 二三五頁中九行首字「上」，**資**、**碩**、**普**、**南**、**徑**、**清**作「生」。
- 一 二三五頁中一二行「正衣」，**資**、**碩**、**普**、**徑**、**清**作「整衣」。
- 一 二三五頁中一三行末字「意」，**資**、**碩**、**普**、**南**、**徑**、**清**作「王意」。
- 一 二三五頁下卷末經名，**資**、**碩**作「捷陀國王經一卷」。